

太乙舟詩集

太乙舟詩集卷三

新城陳石甫著

三男蘭第從姪孫璣校刊

西水園卽事呈三五叔父并留別羣從兄弟

金缸玉炬明華屋勝賞還兼絲竹肉侍坐難爲出岫心銜
杯忍聽歌驪曲碧波蓮葉尙田田園林暮景含秋烟溪山
如此作遠別簪紱皆受時人憐力耕漫倚耬犁手婦不停
機練素有寒女曾驚午夜蛩情農亦介春堂酒平生知己
得家庭封胡羯未殊恩榮銅盤分食嘗叨賜女樂垂簾每
獨聽大人昨歲還鄉日綵衣開宴隆初秩雲影三更艷絳
霞深情百歲緝朱瑟故鄉盛舉慶同歡書到長安喜共觀

何當犀角豐盈日祖帳重教接夜闌統如街鼓聲初動紅
璫瑜影搖銀汞酒半論文意更真姪邀季叔期會韞家庭
真樂樂有餘去住兩心何所如書紳自誌當筵訓從宦甯
教鄉夢疎人生心跡難渝素鷗盟不遺荷衣誤他日歸來
介壽時願補南陔采蘭句

寄朗亭二兄寧州

弟兄相隔三千里別期屈指逾四年雲山滿眼阻携手往
往夢落珊瑚川昨拜綵勝忽得報狂喜欲共春風顛書來
前一急呼來使詢瑣細額手知兄安食眠山城斗大百事
靜行絞所苦囊無錢吾曹簪紱隨前緣爲貧而他鄉殊焉

家落不及中人產曩時尚有二頃田人事乖迕百計左舊
夢甘載隨雲烟區區養志心力在自省安得免尤愆邠俗
自昔多喬僕荒荒睥睨凭山懸山童水淺見前詠梁穀不
識民食艱惻聞官厨有脫粟食不兼味無肥鮮門子視膳
仗家督知兄舉箸心遙牽以儉養廉兄所便我乃聞之心
悵然私情公義兩相逼安得吹我墮兄前一杯屬君作辭
吸知兄肥瘦離懷捐雖然公義最當重願兄苦節終能堅
范史塵甌有古謡努力循蹟師前賢我翁聞此意亦適菽
水之奉心無悁我懷萬端詩不妍握筆彌覺情難宣知兄
讀詩勞北望有夢總到觚稜邊

憶昔篇寄集正

戚戚復戚戚，摘管吟憶昔。
羲馭不返魯，陽戈人生那得好。
顏色木以秋，而凋草以春，而生草木于世，無欣戚。
乘時各自爲枯榮，人非金與石，那能對此長忘情。
憶昔讀書時，共倚短檠燈，偶然把筆作嘲諷。
時復遇事爲勸懲，一家惟汝共肝膈。
筮易不占西南朋，憶昔行樂處。
雅懷守儒素，豪情不賭紫。
香囊清賞惟吟芳，草句堂前梧桐百尺長。
離離月影延疎光，風晨暑夕一徙倚。
快意似欲乘雲翔，一笑世土苦局促。
避寂就喧反復多，周防豈如吾輩樂。
山水萬事不理，作達爲清狂。
憶昔復憶昔，忽生老大悲。
連年鄉舉不得。

意苦被世人相嘲譏誓欲舍此去東窮滄海西峨眉讀宛
委書與若士期咀嚼霞光餐肉芝飄然雀駕相娛嬉天上
仙人雖復足官府定不厭我爲書痴君如雲外長相思但
訪赤城歎玉鼎吾將與子躡足追希夷

往歲寄希曾詩有云老儒不作食字仙才人忽化踰
淮橋士非苦窳郎要駕誰約規矩就繩律云云因
未成篇故未及錄寄頃得希曾書招往都門共學
感今憶昔因續成長句一首却寄

十年夢退生花筆萬卷兀坐虛白室回顧往事驚湍波三
百六十跳丸疾憶當弱冠事咷畢我生戊子君丙戌年齒

肩差鴈翅斜學蕭戶接蜂房密夕諷同敲午夜霜朝吟共
擁南榮日飛霞珮好乞君看雌霓詞成邀我讀叶兩心相

倚牋負蛩旁人錯看鴻比乙嗟我失恃君失怙蒼涼舊夢

難再述可憐都當兩小時痴索梨棗寧知恤長大誦詩至

蓼莪各灑血淚掩緗帙風樹空悲唧索魚青衫難作名經

佛無何君著祖生鞭先向天街騰齧鄰一朶宮花艷彩霞

七品丞銜領仙秩海底珊瑚鉄網收更復連年携玉節比

聞餽厲得迎養五十萱堂初白髮焚黃已慰九原心稱觴

更舉堆床笏

集正兄敦翼同官京師

一家似汝奏墳築前賢何必譏

早達晦者作書勸我行似憐塵埃困癡叔

叶教將水沃三

年面鍊就鶴飛十洲骨開械乍讀色先喜感舊興懷心醉
箇平生自恃雲夢胸速化嘗喧科舉術心兵忽忽困文山
遙踪泛泛適吳越邴原書得孫崧授習之膝爲昌黎屈暇
中求友賦伐木細勘人情驗得失老儒枉作食字仙才人
或化踰淮橘土非苦窳卽要駕誰約規矩就繩律借鑑彌
知自處難學道豈期俗情悅去年罷舉洪都試買車徑踏
陳州雪官閣趨庭子舍安南衙讀書齋寢吉苦因人事日
紛紜未免蹉跎感歲月得君伏案相砥礪強懷可張弱念
奪新知共訂夜連床舊學同商手折聖清談時許阿咸誇
解圍或向邱嫂乞東華寓舍我未到清景時時聽人說窗

間虛謗納晴光 檣外濃陰落林樾
此中延佇得佳賞 坐忘正可名

言絕來年定當成約踐束裝不待取
紙輒新詩題

罷夢尋君梅花正對南窗發

行至保定先寄從姪希祖京師

吾家宗子頗勤學往往能作深沉思法曾偶入署紙尾退
直一卷常獨持十年同學五年別兩地相思情益切來朝
剪燭一論文定有新知向我說

和集正教習庶吉士紀 恩之作即送其典誠江

南

曾祖晚歲始通籍得第歲亦紀戊辰甲子一周拜

新

命汝今乃作江南行教士芸館譽謁尊乘輶江國名輪囷
君恩三接馬錫畫舊德四衍花開春崇墉報已收刈
穫封殖計毋忘本根吾家家法近稍替規矩往往踰先民
汝才汝望眾所服宜以一手援千鈞汝顏齋額曰樸谷此
意去俗已兩塵以樸抹巧謝雕飾以谷納善芟荆榛取人
取文理一貫爲家爲國咸斯遵汝位已高貴頗重我言
無文情則真汝往江南謁老輩持此可質姚公門歸朝爲
我匡不逮我當爲汝開清樽

松如姪歸詩以送之

習不可有紕袴氣才不必羨縱橫家以汝聰明泛學海不

自崖返誰要遮廿載胡爲困鄉里鬚鬚已綠坡斜四輕
四重審所擇謗言謗好安可誇汝兄學力似翁子登第今
看長安花汝能堅忍似百一吐氣詎不凌青霞汝來從我
似有意愧我未與窮巔涯得縉救貧聊爾爾不去貧賤何
人耶汝今歸矣取吾說閉戶萬卷勤搜爬他日相見別具
食庶使銅盤爲汝加

家竹香觀營奉 旨省親予與之同行途中呈長句
一首

手牽省親 詔身披戲綵衣 聖天子恩乃如此三
千里許河臣歸河臣者誰吾元方識力所到河伯降築堤

如山人 御覽漢功不復誇宣房朔風十日長安道

騎飄飄出城堡人詬私情得請難我知獨對承

恩足

憶當昨歲嚴寒初君來訪我承明廬爲言宣室從容問特
念臣工定省疎起家何必誘門地似此思榮真曠世

一載酬功賜漢貂千山啣

命紓征轡江鄉我亦賦陔

蘭爲約歸途共整鞍堠邊風雨聯床聽馬首雲山並騎看
談深懷抱知全惜吏事因君獲少益漫矜五馬得超遷誰
知三異多殊績吾儕挾冊歌唐虞軼事常思珥筆書襄帷
喜識張京兆腰笏先歌何易于從來濟世需英彥崛起吾
宗能自見廿載寧嫌見面遲萬家早已歌功遍我翁若翁

俱高年我翁視君如子然請書車騎還鄉事當譜笙歌戒
養篇

題月竹橫幅送家竹香兄南河之行

一輪明月搖空綠家園各有千竿竹鄉夢時時見此君如
此弟兄差不俗屋頭雲繞棲靈山樓前水漾司空灘寒玉
弄影入蕙帳何意得之圖畫間弟直承明今幾載乞郡初
階思服豸乞郡何爲爲迎養庶幾蘭膳菹佐餚兄官畿輔
今江南菱橈法與塢流參努力宣防報天子我翁知

兄才則堪我翁與兄相聚久弟到京華方握手五六年間
幾合離無夢不曾共杯酒字石字竹同一清官達肯負初

心盟偶然得畫聊誌別晚節交期保令名

自題南昌舊園圖

蘇齋夫子初持節乾隆己卯來西江鹿鳴宴罷宴試院選勝且命廻旌幢西山嵐翠入仙抱肩輿未暇從幽討吾家有園在城東照水芙蓉萬枝好主人遊宦遊京師家中羣從纏勝衣花前問字無弟子但覺草木生光輝經籍著錄蘇齋盛后山晚出就詩境蘇齋齋談藝因吟典屋詩先生題及此園鴻泥與話尋秋興軟紅塵土隔前緣朋誼盱江夢亦遷弟子只記橐筆事先生却賦看花篇石筍森森立寒玉花陰畧約沿溪曲倚亭隸榜憶釣銀熙容斜陽如

挂木烟蘿丹載閣心頭使節重來訪舊遊折枝莫記花堪
折鴻月空知瓦欲流使院論文歲又改香辦重拈過甘載
從欣題畫借丹邱自愧能書非阿買談經說史肯懷居轉
徙只憶先人廬誰知履道坊中客昔尙未生今白鬚此園
離家四百里遺趾雖存園已毀我翁有園黎水旁亦恐亭
臺就傾圮當時同學勤經舍二魯才調皆璠璵谷園岑苔
感昔夢昨來淚洒傳經圖余中表魯純之習之兩君與余
同學皆蘇齋弟子谷園傳經圖

夫子所作也

家庭今昔關心處重以師門受章句肯負韓公柏

石詩不作謝家庭下樹瞻園伯子書來遙昨與仲容同室
詩賤子不逮事世父述德惟深葛藟思

補藤篇

余寓舍前軒曩存朱藤二株家大人所手植也今并架亦非舊時物其藤固不知自何年萎去矣余將買種補植之非獨謀夏日之蔭且以見事必由舊之意云爾與諸君子作消寒會拈此題得七古一首索同志之和焉

我翁買宅官春明擴而大之殊經營萬間廣廩夙所志作記曾與鄉人盟前軒兩藤是手植翠蔓清陰留坐客絡月篩雲舊夢存有人指點陳遵宅我到東華跡已無不獨藤荒架亦無閥人空作攀條感玩世誰翻種樹書雪影沉沉

動虛白炙酒邀賓話疇昔
預作來年過夏謀買種春前計
應得朱花映日清且香
擎空虬幹隨架長拔地能高根必
固簪之偃僂銘循牆人生一念成今古
束哲南陔詩可補
土食舊德不如工肯値高曾廢規矩守不假器
崔在陰我歌且謠情自深諸君記取樽前語
葛藟苦岑共此心

窗外深盈尺之地依砌種玉簪兩小本前列盆花數
種坐對其間意陶然也得長句一首

人多屋少如鷄栖室無空虛時朝來一悟攘六鑿隙
地糞掃驅小奚綴紅搖碧忽滿眼如蒲風葉低著畦喬柯
蔽日暑不到亞枝却許水蟾窺花前我與兒童嬉我懷亦

復如嬰兒乃知夢幻泡影偶然耳住壺入世隨所宜余皇
舶艋兩莫辨太乙舟顏仍舊題不爲境累能自適此樂急
報吾親知

大人官京師寓齋顏曰太
乙舟卽用光今居室也

自題桐陰草堂圖

夢招石竹山房月來照桐陰草堂圖此圖寫景非故宅乃
得燕臺新買之敝廬敝廬買自癸酉冬時方僦屋愁西東主人
謂子曷買此一畝且築儒生宮先人八吉祥可供蓮臺佛
幢旛花冠與魚腸入吉祥中各器名嵌玉鑲珠眩丹碧嫋兄庶弟
以付我云此何啻千金值汝往燕臺粥諸市以謀祭產計
良得我肩此任來燕臺守不假器心徘徊挈瓶之智急則

變以有易無生悲哀祭產雖未具僦屋可無愁他年賣屋
買歸舟無田不祭知免羞圖中寫石虛景耳山房佳石今
餘幾彈蕉未罄此君心倚竹空能歌有斐庭前新植桐半
歲纔登牆山房美蔭蔭過屋我憶兒時居草堂兒時樂事
每易忘誦經讀史聲琅琅金門索米忽舍此風樹之痛纏
中腸當年積負如何償先君曾議售山房失計未遂良可
傷今聞頽瓦支欹廊我空有夢迴故鄉今年索我題所藏
仲容携來漁洋之山莊去年舊園題南昌世父舊業悲荒
涼名位豈必齊漁洋但守舊德足以憾董太史言尤可喜
勸余尺宅勤料理董小挫題南昌
舊園詩極佳季冬之望月舒空回心

內照心如水作歌聊此記所履圖者華吉厓題者陳石士
草堂此日仍舊名畫圖他年成故紙四十七歲心如此知
吾心者佳弟子

自題瘦石圖

有引

余行十四故叶音字曰石士其曰碩士者先舅氏
所以相勗也祇類珉賤敢云玉韞渾璞爲期素心
斯在昨以此意索人寫照嫌其未合旋棄去之午
窓無事偶玩船山太史所贈畫扇石一拳梅數枝
而已忽悟曰此其我相也卽石卽我是何啻無人
我相焉亟裝爲一軸而題之曰瘦石圖觀石士者

觀此石焉可爾因自題長句一首並乞太史題之
我非燕領非鳶肩畫史紛紛神莫傳眼底忽墮石一拳疑
璞疑玉形塊然玩之浹月廢食眠一旦悟罷喜欲顛此乃
吾與吾周旋其質雖頑性則堅與我字協義益全倘使恒
幹可棄捐貼身入紙爲延緣漠漠者古悠悠天氣核一結
千千年隨風隨露隨雲烟星辰日月相新鮮其樂何啻逾
彭箋胡爲六識相糾纏如馬首絡牛鼻穿匠石日日施雕
鐫造次不得迴星躔支機誰復詢張騫偶然靜坐呼怒先
把扇熟視涕欲漣有梅數枝芳且妍霜葩雪骨相鉤連石
但癡立花笑嫣花氣石氣清無邊急裝古錦標蠻箋拜君

嘉惠梅花前君餘事亦筆如椽詩法畫法交相宣遺興數語吾拳拳倘能更惠詩一篇譬生公法感幽元豈獨頑石知參禪定有花雨飄經筵他時繪事吾能研趙昌顧愷思兼焉定當爲圖華頂蓮坐君玉井十丈船

橘林秋棹圖

篷背青山向人綠柁樓晚飯炊初熟自倚吳兒餽作腸漫誇越女顏如玉金丸簇簇映江波兩岸人家橘樹多王孫解作秋懷句旅客空吟勞者歌當年兄從西冷棹弟居家塾年猶少牢之無忌雨無猜季連康樂原同調鄉園有句紀相思夢草池塘恰下帷打包不解行脚苦正是吾家全

盛時廿載年華如轉轂西州復有羊羣哭弟亦嚴灘續隽遊書紳自戒踰淮木書生養志非科名一官偶得慚躬耕荷衣蕙帶不家食盟鷗狎鷺餘深情勞勞行役今未已兄

識弟懷同負米馨膳能舒憶子心鼎養由來慚菽水一江

秋水辭鄉關六橋有約緣終慳惄惝漫爲吳客詠買舟却

看皖公山

予初將由浙北行
今改而買舟適皖

蓼莪讀課圖

萬卷圍身足書史況對明窓與淨几兒今玉立昔稚齒八年課讀苦復辛大父阿母心如此我與若翁生齊年若翁呼我爲阿連若翁賣志忽化去九原望汝兄弟賢幼孤自

昔多人傑兒以成名報母節況汝重堂訓廸勤紙墨熒熒
皆淚血名汝效曾與述曾意在舊德能肩承吾家祖武不
易繼宋儒力行宜服膺蓼生莪生爲汝字美質能成斯足
貴莫忘春暉寸草心菜根咬得何人事吾家家法有古風
頗似西京萬石公舉策數馬稍簡易放達尙無阮仲容勤
以守已和睦族葛藟庇根莪斯蓼他日承家責匪輕此時
勵學功須熟我今披圖神暗傷廿年舊夢誰能忘况今季
叔髮垂素望汝庭前玉樹行早晚儲材作棟梁

竹醉前三日紀事爲蓮舫作卽贈徐薈生庶常

琵琶者誰雙瞽目召取筵前奏新曲一聲曼唱啼嬌鶯繁

絃促拍酣春情聽從隔坐合心死轉喉誰信非車子主人
妙旨託詠諧柔情不倚左風懷三摩悟以聞恩入如此驪
歌真雅集正聲正色天下無入世難作枯禪枯譎諫逢塲
且遊戲徵歌不用唇針試子野當年與奈何我懷悵觸何
其多

裂紅拂像示大兒蘭瑞

昌黎讀書辨正僞非聖之書不敢觀謗言敗俗慎所擇述
邪蹈正事則難唐朝文士喜無行鑿空綺語來無端勦臣
世闊積讐怨往往閨閣遼抵諭君子內言不出相得從何
處工欺謾楊素竊位恣聲色尸居餘氣昏而頑妻妾棄之

嫚罵耳聊借此筆誅權奸此較他傳意差勝諷一勸百
終儼豈有衛公經國手迺肯詐結兒女歡後生輕薄妄祖
述遂誇韻事生波瀾作偏罪墮泥犁獄若論佛法難從寬
汝曹小年勤必正要知大德無踰閑好行小慧言不義身
名他日安能完無邪之旨蔽三百聖言萬古垂不刊若欲
作詩法後世但師李杜無餘患元白溫李等自繪其人可
鄙文空嫋裂像作詩豈肯責爲汝立脚愁未堅先入之言
倘爲主沿流他日寧知還汝能別裁守吾語挿架萬卷從
汝看

寄懷魯補愚舅兄

寒燈墮蕊硯欲冰淡月照階風不停此時作書寄遠客
字讀易盡心難平白門殘雪落枯柳江流定減寒濤聲昔遊
握手是何處夢中再往吾猶能兩世情好託親串十年氣
誼如弟兄人生聚散那可必要當各愛千秋名君昔豪宕
有奇氣結一好友千金輕以此蹉跎成末吏卽今數口餕
腸鳴但能守此勿復悔不妨邂逅雲霄登

送魯延之表弟南歸

昔吾舅氏崇樸學趨庭有誨無異聞鉅德委化忽十載季
子葛帔還練橐出而謀食苦質訥便給不足諧同群我仕
頗受知見熏媿不能張舅氏單見子困遊亦歎詫援手底

救空囊貧人生家法要無替富貴貧賤安足論
天人戰勝師以律性地自拔誰策勦子但守已勿循俗道無所得吾
道存果能刻勵造完好如璞就琢泥在鈞豈獨夸毗去子
遠我亦硯學君苗焚秋風吹葉葉隨紛黃沙萎地車塵昏
留子無益別在卽憶舅氏誨徒沾巾惜哉君兄不可作若
聞吾語同酸辛

寄懷東渤海妹婿

讀書齋舍中君童我初冠美如冠玉好兒郎臣叔快壻眼
中見昨者朋試趨瓊闈君年已長我遠歸握手朱顏發春
粲開卷妙墨搖晴暉此才難得得之喜况君晤我情無睽

秋林葉脫秋風高旗亭把酒持雙螯連年鄉舉被擲斥失
意耻作寒蟲號拚將痛飲歌離騷君家嚴君古循吏十載
羊城勤撫字平生隱德似耳鳴老去讀書多筆記我翁一
麾來陳州賤子辭君今洛遊采蘭敢補束哲句散帙喜得
南街幽天衢爭風吹雪落亂酒瓊英濕簾幕鄉夢初回午
夜衾冬心久負梅花約苦言避俗工鐫剗筆囚硯獄何能
堪堂上衰親各白髮鏡中年少俱青衫從來學力道可致
居前萬物令人輕他年騎馬回京華期汝同採鴻寶秘

喜晤子受妹婿卽以贈別

鄙此華國才公子傷哉貧俛爲門戶計成以枝官身枝官

聲名動蜀中邊屯報績旋從戎人言才氣如終賈自喜官
階似放翁十七年別重握手何堪往事一迴首封胡羯末
幾黃據爲余淚墮杯中酒我幸再入承明廬君已擢亞銅
虎符鄒枚豈得勝韓范重內輕外胡爲乎蜀山氣候雜寒
暑老蟾飛電日亭午不獨身爲瞻對行猶有虎兒能縛虜
砌梁烽火掩復明將軍凱還彩花翎頗聞期門佽飛輩早
於孺子心爲傾有勞不伐真男子知汝襟期似止水弱鳥
投羅非縱鱣忍更援弓爲色喜話來踪跡雜悲歡莫歎鮎
魚上竹竿君家故物原牙槧努力雲霄作鳳鸞

爲履祥壻題尊甫駿耕親家掃葉題詩遺照

自雲照紅葉秋色明遙岑傷哉題詩客鴻爪何處尋人生
石火光難駐邗上園林那得住雙旌五馬向中州我憶春
明別君處儒雅襟期課子懷悠悠此志赴泉臺父書能讀
家斯大葛帳無妨肯構材

喜蘭雪親家病愈作長句一首奉慰題其五疊永訣

詩後

天公愛蘭雪乃使有此病化其偏宕情鍊以危苦性人生
何處無險途履險如夷夢覺初兜率宮與羅刹國尻輪神
馬爭所趨碧翁待人固平等卽心卽境分俄頃大任隨人
各自肩雖不能詩天亦肯何況君有瓊琚詞讀君新句吾

軒眉此與昔時傷鼻作皆有陽明証往思

君自言喜
讀陽明書

在草

君母忘蹟姪吾亦警夜起撥燈花虛室兀孤影玉鞍珠勒
誰揚鞭風利不泊誰刺船尋常寢饋發深悟引伸觸類心
有權噫吁嘻引伸觸類心有權無邪一語可蔽三百篇

蓮花博士歌

放翁昔入鑑湖夢蘭雪新注博士官平生嗜茶不嗜酒快
意一吸千甌乾哉詩去就故人約

梧門學士招致齊中尋花夜踏澄

湖寬

贈譚琴岩 元用隨園先生病中謝一瓢韻

長安城中綬若若琴岩瘦骨如仙雀洗眼應曾飲上池得

官聊且吟紅藥風神偷偷復舉舉揮塵而譚隨花雨彩筆聲華過使星大華峰高迎玉女

詠秦幘

閑將舊事問韓康

知汝曾遊掃葉荒都講十年有心得用藥一況時人荒昧

秋驥子嬰沈灾

兒子蘭瑞病舅君藥而愈

飯顆有句懷難開紅塵十

丈踏棕鞋捉君一日一度來衆醫掉頭病忽起從此刀圭

服君矣禁方小試說傳衣憐君夢繞橫塘水剪燭連宵作

才語人世因緣悟來去詩成回首憶倉山去年鴻爪重尋

處

喜晤譚琴岩親家聞其卹劉氏文事喜而有作

菊花開滿籬喜聞故人到兩年離緒一杯中軼事聽君細

相告劉家兩女年及笄可憐都是官人兒父死兄貧人六
口食惟炊餅衣破衣何來燒城騰赤舌兩朵蘭花萬重雪
鶯牒雖辭駢偷金鸞釵仍按箜篌節使君聞之心鬱紆攘
臂急起相持扶官人女作官人妾我輩面目人抑掄上告
中丞下太守難得三賢並時有擇婿爭輸贈嫁貲養花一
洗旁嘲口重君高義爲君歌聞善則喜情則那更期決獄
平冤手推與吾鄉種德多

冬夜讀書感懷用蘇詩韻

讀書誰餉熊丸苦幼居門塾長齋廡終歲常依舅作師十
年失記兒無母庭空月挂枯桐枝村寒霜隔嚴城鼓詩書

高詠感神鬼蘊鹽定力禁風雨先生故守胡瑗法時人或致邊韶悔敢將野鷺厭家雞記取傅衣自我祖舅氏山木先生乃吾

祖
父母
人

除夕祭詩

昌黎作詩乃餘事盧殷萬卷資爲詩平生頗守退之法登封縣尉非吾師祭以除夕始賈島我亦沿例相嬉嬉飲盤脯果雜粧妝一編陳處春風吹沈沈夜氣明華燭散帙深宵幽事足牕間樹影高出簷雲外星光低映屋寸田尺宅藏吾身形神相倚爲主賓一點俗塵不染處虛臺自覺高嶙峋前年陳州歌雪車團園觥爵歡南衙今年雖勝去年

客高堂馨膳還思家我不能飲劉伶酒亦不能飲盧仝茶
昔賢結習我都欠豪況絕少時人謗但願善本之書列滿
架座後復擁萬朵千枝花翛然居處絕塵鞅高吟李杜思
無邪今日詩魂樂復樂以我祭我神歆若萬卷之中一卷
着如入唐宋諸賢幕春生一枝青鏤管香參百葉綿桃萼
此心但與證初地人世由來信行脚明年此日慶南陔采
蘭更有還山作

立春日作

平生慕學心頗篤散帙惟思政節目只知師訓誦終身詎
要浮名夸世俗悠悠婚宦負初心多好無成遂至今弱臂

挽強寧透札礦沙入治未成金蔬果中庭侑杯酒迎春故
事由來久爆竹聲中感歲華來歲龍鍾三十九恒言稱老
古所訶吾親白髮向來多遊子養志先謹疾

予時抱病初愈書生

廩學毋蹉跎朝誦昌黎暮太白經史盈窓還布席共此寥
寥一片心感春倘到騎鯨客清晨沐浴命具湯白芷桃皮
青木香齋心從此作利市日日偕兒上學堂

記夢

憶昔十五成童初豪氣直欲凌干夫讀書但喜老莊易把
筆輒擬韓歐蘇拍肩唐宋世何有紛紛一笑時人愚是時
舅氏山木子祖述經訓爲畜畜語直或遭俗儒詆諭高顙

覺全心孤家難野鶩不能辨我亦聽望心疑紝夜中一驚
朝感喟如醉初醒病始甦伯兄含笑招我前曰予有言汝
聽諸人心不同如其面下士笑道爭盧胡人生始學誤所
法他日欲悔徒嗟吁我祖以來重敦素巧文趨世吾家無
汝舅模學法汝祖其說頗正言非迂縱使氣象益恢廓詎
可出入分主奴鈞黨聳起南北部甘陵禍結四海痛東林
覆轍尤可痛善士掊擊無完膚汝能他日宰天下持此足
戒如前車覺來涕淚沾衽席搏頰呼負顏不舒十年一夢
舅忽死追思往事空歔歎

甲寅之冬月旣望陳子讀書夜正中寒燈垂燼爐火暗戶

外急雪飄嚴風解衣就寢忽有覩恍惚張華初入嬌嬈宮
隨園說詩夢樓笑旁有頃而長者陽湖翁三老雅集殊得
得賤子侍坐彌甸甸一庭深綠幽草積牆角似掛斜陽紅
不知所遊竟何處耳邊疑打清涼鐘前年蠟屐遊江東此
三老中謁兩公袁子我師朝夕見隨園坐看倉山松歸裝
乍整未及發夢樓來倚鍾山筭十日再留文字飲萬事不
掛雲夢胸政喜結交得老輩漫欲歸去誇兒童獨恨未拜
雲松子忽教一夢相彌縫不識其貌想其容陽湖之水波
溶溶閒鷗戲拍江天空以此想像子趙子夢中所見將母
同他年定鼓毘陵棹一申末契追前蹤握筆忽愁詩未工

公其笑我如冬烘

平生壯遊數自下夙昔夢之心懷寫弟子重爲負笈行先生剛擁臯比坐登堂未揖心已傾舊事再讀眼倍明庭際草木似相識坐中賓客皆知名清言不侈談天口大雅政有扶輪手鄙夫或效蓮叩鐘智珠彌覺光照斗坐久識者皆歎嗟得未曾有誰能加宿疑乍剖日破霧妙蘊忽啟天雨花先生之意未云已招予更與論經史道傳衣鉢竟無人一編相屬君勉矣用光再拜辭喃喃誼重力薄愁不堪荒鷄乍啼夢忽醒舊遊追省心彌慚昨者初逢列禦冠千里羸糧不遑後鄭元未得馬融喜阿難忽被摩登咒十里

秦淮水上樓家家月色漾簾鈎玉笛歌殘金縷曲蘭橈忙
殺水嬉舟王孫競走狹斜路淵明也作閒情賦爭訝流鶯
處處飛誰知白日堂堂去邴原空讀孫崧書陳平未絕長
者車我愁遠志成小草人笑抵雀傷明珠歸來百事不復
理日持萬卷對妻子孟明期策再舉勲曹沫欲復三北耻
駕駘十駕追驛騎成功或借桑榆收邱遲殘錦果容乞列
子執爨吾將求

孟亭先生與先大父凝齋府君同舉乾隆戊辰進士
己酉冬從子希曾拜謁先生于里第時希曾初舉
于鄉也用光晚與先生仲孫績熙訂交而希曾於

去年冬與從兄觀先後謝世矣循念兩家門第恨
用光未得謁見先生績熙以奉硯圖屬題敬賦轉
韻一首硯於先生在時失而復得圖以失去爲績
熙所復得皆詳先生跋及績熙自記中時嘉慶丁

丑秋八月二十七日

端溪硯材作世守甲第人人誇所有重是傳家忠孝心趙
璧齊田得非偶營田三載居霸州汜勝書應細講求繡塍
行地夢迴處倘亦如對小環洲見硯圖兩家舊德皆堪述撫
今悲昔神蕭瑟我未登堂但展圖惆悵才非大手筆

陸宣公從祀成均得 請爲吳梅梁傑給諫作

仁義百篇唐孟子私淑宮牆學似此政事才原列四科惜公未逮洙泗耳方書集當謫獨時點也氣象猶庶幾發揮王道明天德奏疏何啻講學爲講學何人工撫拾近乃宗派無所執臺諫難酬補袞心崇儒競喜連章入從祀得請誰最賢吳公一疏人爭傳議成隋士王通次心發忠州視學年

雙忠祠

斬黃血已錢塘流

宋諺云惟有斬黃兩州
血至今流不到錢塘

襄陽殘局不可

收門戶已爲伯顏奪腹背坐致江淮憂勤王孰先諸道急力戰不許降幡投守城誓死感幕客劫帝乘夜凌瓜州折

骸食子軍不叛焚詔斬使心何求霍弋羅憲非烈士張巡
許遠真英儔樞密生前鑄一錯夏貴竟召淮西羞要期東
力乃濟事豈意斷臂成潰流姜公臨命一笑唾李公隱
羞爲酬史筆何人拙文字述言紀事相盾矛豈有忍竊責
待勸遣兵護第如遮留感恩尚持孟帥服反顏肯事阿尤
讐兩公精誠同一體後人公論垂千秋梅花古香發邗溝
忠魂先後來同遊勝朝亦有文丞相關部衣冠葬上頭

追輓建威將軍壯烈伯李忠毅公詩

戚南唐才我朝有岑彭來歛身可悲岑來握兵遇刺客
公乃致命攻賊時賊盛公能使賊衰賊衰天顧使公危海

水怒立礮外飛粵洋不見來援師復仇部將遇亦奇雙燈
中見公鬚眉公之報 國心不死不然尾追賊艦何以來
靈旗大府生平兩知已阮公元清公_{安泰}諱二華禦夷已
著南塘績辨賊忽來蜚語加遙知公者富陽相造鄰能排
篋書謗得清安泰疏中言始見効公固無狀 賜碑

賜謚 國恩深酬汝傾家報 國心子母連環誰倣

造丹鳳空栖碧海潯

公傾家造軍船名

贈張鐵槍

名永祥河南陳州府淮寧人

脫身軍旅間掉頭營伍外愛才幸遇阮中丞事過無由舉
君最教槍遊浙中練卒居淮南知已晚得屠大令筠齋日

目論韜鈴
國家盛德遍函夏樊並蘇令何足詫滑臺自
賊唾掌擒彭城列茂登時罷張侯其時居真州散遣新卒
歸林邱四百餘人飲觸體盧氏縣南歌同仇廿年舊夢猶
迴不先君昔綰陳州綬亦募健兒作防守其時君已辭家
久先君每舉盧氏功不知乃出此人手京師邂逅意氣同
喜君恂恂儒者風功名何必登麟閣踪跡大抵如雪鴻我
欲從君拓金城巍不能彎一石弓

鄧賛山人名宦詩

文翁召父奉祠祀元始四年應詔書西京循吏最近古激
勸有衛焉可誣我朝治化軼兩漢祠官歲歲題名宦浮梁

鄧公實鮮儻去思卅年留隴棧戴盆有民得見天公善發
伏兼搗奸奪米有民不揭竿公善勸糴兼化頑堰水隄
長禾黍夏絃春誦習樽俎過境軍辭閭里譁獻醪民忘輸
將苦凡公所至年無災不獨步禱迴風雷從知撫字誠求
意都自詩書醞醕來秦雲蜀嶺題襟徧宦游處處桐鄉戀
神絃曲若奏成都分燕闢中香一瓣

蕭俞孝節詩

滄州一婦人不食三十年日飲數杯水充饑當鬻鉢自言
幼養母母病夜禱天果捄歉歲貧辟穀資寒泉常州一村
婦晨炊往田所姑爲畢其炊目盲無所覩捄飯置穢器婦

歸誰溉釜潔奉姑與夫穢者以自取天晴晝忽昏有人
婦行前舍得小布囊米三四升不獨一餐飽日日囊可傾
二事出宋稗天固感至誠吁嗟蕭孝子割肝救母身竟死
吁嗟俞節婦詭語慰姑夫出耳天佑不佑數所當救母不
顧肢體傷婦肩子事孝子慰貧人如此擔綱常我昨扁舟
去游楚楚人有孫能救祖名紀高澄彭大典一請代死一
割股善善從長邑乘稽養生送死至性所維持積粟七年
者爲誰世無劉殷鬼餕而

作蕭俞孝節詩未得實事因閱宋稗有所感遂拉雜
成篇後晤秦敦夫前輩爲詳述孝子事復賦一首

孝子救親須割肝術苟知矣心求安親愈奚恤身摧殘割股但傷外形耳五藏難教一藏毀忍痛者誰竟辨此割肝投碗碗忽空神試孝子迷離中屋角神衣吹鬼風手血淋漓再開裹兩片用投一爐火何物狸奴能因我躊躇歸寢妻始驚困臥廿日目遂瞑神知孝子死勝生人奉甘旨出衰絰養姑卅載妻守節婦心子心兩無別嗚呼親病委庸醫泣言親疾不可爲彼何人斯盍誦碑

旌表節烈蘭孫氏詩

蘭孫氏居婁村其節似漢陰女苟夫亡子幼姑復貧嗚哉季父庸非親乃欲強之使適人同穴心孤酬一死從容引

決無難耳辭墓歸來作飯時忍痛食姑兼食子嗚呼人生
至性關天倫季父與父恩則均胡爲奪志行不仁忍使
也戕其身漬水孫氏一白屋不若穎川八龍稱望族慈明
况復譽無雙詎不願女爲共姜傳婢奪刃態何鄙傳訛吾
欲疑范史孫子原一猥薄兒縣吏褒之乃如此當時訟之
不爲理後七十年綽楔起筠潭都轉洵能賢請旌旣得徵
詩篇我更爲語作令者不獨過門當下馬能褒節義斯風
雅

放歌行示湯體芳明經

汴梁城中無一有拉君日日街頭走夾轂飛塵車似風策

馬從者顏若桃花紅路旁趨避與君笑是何意氣矜年少
若非隸籍期門軍官高策賞殺賊勲卽亦通侯貴子弟貴
卽出補諸侯吏男兒生世須彎五石弓不則低眉折腰事
子公胡爲呻唔北窗底出遭人怒入遭鄙不見賤子與君
俱少年酸寒坐守儒生庖君謀茗盤腹未飽我坐兀亭貌
亦槁侯羸朱亥墓已荒難覓屠狗與賣漿徒爾朝謁遊梁
祠暮尋相國寺冷淚空彈沒字碑狂歌且逐綠樟戲君言
公且休君爲起舞我爲謳世間萬事浮漚耳喻馬非馬指
非指但當洗耳清泠淵仰首蒼浪天榮啟期樂我輩俱能
全何妨挾書日日從高眠我憚君言心亦動更剪燭花開

雪麌舉白浮君我亦共起視庭前月色如流汞各掩霜扉
去入夢

贈汪劍潭助教

端先

朝吟梁甫暮白石秋雨春風幾兩屐誰有王孫七寶刀陌頭爭認青袍色十年躰躋江闊路此日帝京初作賦薦肩火色彼何人作此寂寂事章句案上古人呼不起席地幕天一綿米車聲門外腸共迴俠氣柔情都已死忽然大笑顛如雷空虛之室雲日開如先生才凌鄒枚掃迹不上黃金臺青冥縱翮何爲哉一尺之書一枝筆此中自有鄒陽律青寧程馬從萬年且可高歌消永日

贈張船山太史

商陶

古人今人才一耳恒幹代謝神不死房太尉卽永禪師蔡
中郎是張平子東風年年吹開花春色歲歲來無涯銅梁
奇氣落公手遂令此筆流雲霞儋州老翁常州住公友孫
洪生長處分得眉山八斗才鼎立三家俱跋扈洪都成都
同一江岷山廬山雄兩邦拾遺不作山谷死藏園健筆公
能扛異時曾作隨園客清容淵如我俱識題襟焚硯平生
心繡像鑄像情尤極昨者車過趙州橋石灘如輪扶衝颺
眼前有句不敢作公詩壁上森瓊瑤西江宗派誰人續我
意居仁殊碌碌求友四海參班荆覓句十年徒仰屋忽憶

去秋梁苑行傳來好句人皆驚

謂見君所古數詩

我見決知是公

作世無袁蔣誰縱橫十載聞名不識面紗籠露盤抄吟遍
一日長安挾刺投無異洪岩眼中見結交願結清松枝著
錄願錄黃絹辭后山一下文潛拜主客雲龍千載期

贈胡書農宮贊兼呈同館諸君乞和

書農宮贊老劬學圖身萬卷勤爬羅對人沖抑有退讓論
事質直無媿要比來史局數抗手彌覺書味三餘多君言
使筆如琢玉我言陳義如獻禾瑟若奚若采固爾宜稻宜
麥理則那但使榛芳就芟削不嫌角根成縷覩古來成迹
別利病粲如指上觀旋螺坐言起行得考鏡庶幾旨蓄儲

條科小言詹詹敢自憲君與諸子乃見阿瓠稜日影絢光
彩舉杯相屬同婆娑祇媿承宮侶田鳳霜痕點鬢如余何

贈會霽峯大令

碑春

九儼山上九苞鳳胄曹遲向天門猶戴仁抱義翔虛無却
駕慈雲到章貢章貢屬縣名會昌俗渝民悍迂農桑佩牛
欲施渤海教捧檄初登宓子堂行未到縣先入鄉鄉民驚
傲貪如羊標竿作劇開會場博進招集千人狂垂綏五寸
民無懲煦嫗好語應且憎使君再來剽奪興伍伯臥血與
折肱使君叱咤真健者累創小憩茅店下立呼營卒縛之
來乳虎入檻猱拉骼從此民畏民稱仁共知國僑斯惠人

能遣封狼化麃鼠不教東緼驚燎原循績褒嘉終報最軼
事謹深因坐對春明門內同歲生乍歌聊記部民媿

詣鍾山書院投洪稚存前輩

十年誦公所著書詞章攷據才而儒十年慕公所立行砥
節植躬根至性山川萬里遍行踪昨來乍聽清涼鐘蓬山
名刺得脩謁何幸蓉湖未買楫皖江舟爲本師開下帷舊
地今重來本師不見見公在天補此行一大悔大孤小孤
吾鄉山氣雖不大體則堅西江士習亦如此擴以聞見斯
可矣我生懼蹈溝猶議行脚所到尋師資日問月學山谷
語此意知公定相許納納乾坤入遠眸浩歌氣欲凌高秋

太白樓前一江水
襆被爲公具行李
六朝人去幾千年
白門風景仍寒烟
講堂闢處借三宿
公有奇書縱我讀

雨中次蘭雪題雙藤老屋詩韻柬屠孟昭

均堂吹沫非檻泉高藤濕翠交枝纏出門苦源入苦漏長
安伏雨愁年年連日殘暑尙蒸鬱破雲喜見滄浪天蘭雪
說詩昨過我詩骨瘦硬天所憐念君與我何間濶藤陰人
影相周旋我植雙藤才五載屋老藤新陰未圓花時已過
苦無葉咒花何術求神仙竹垞前遊久難繼風林幾日聞
嚙蟬後此垂蔭倘過屋看花肯羨春風顛朝來殘雨葉又
墮積水牆陰浮芥船知君抱鄰對嘉樹掩戶但覓詩書伴

南街北街難跋馬自楊青楊思招延蘭雪豪宕能肩雨澄
觀水榭詩爭傳君詩語妙惜未讀美人入夢徒娟娟衝泥
未能但仰屋藤梢對我搖蒼烟買屋我有補藤作僦居君
亦藤有緣索詩及君未注選要看秋筆凌春鮮作畫倘寫
種樹意破怪當以吾詩先天晴待踐蘭雪約訪君並訪街
西錢

錢衍石與君比附

十三日廠市購書戲作索蓉裳和

異人苦難見異書苦難讀能見能讀不遠求耳目之前求
已足異人在山不在山異書在世出世間邴原自可辭北
海張華詎足窺鄭媯求人求書貴求我棄書與人計復左

能將懸解得人間枕書許
秘糧許果平生夙抱購書癖
挿架未觀復求益壘斷徒強買菜傭
燕說愁爲舉燭客誰知結習難自除
路逢良友仍招呼踏青已過近燈市
每到書肆行踟蹰眼前一集縮手快聞是貴人
手不亦失笑竒書世已無異人何處同君拜

齋中讀書懷秦曉峯觀察

維嶽

散帙終日靜揮汗煩暑蒸涼風轉空曲清氣時一生江頭
何人多遠情停雲一角齋中明美人娟娟隔江水宴寢清
香焉畫裏揮塵雄譚有顧子與課佳兒誦經史顧子吾未
見其詩新且多副本鋟以麻沙木去年曾與汪子全高歌

於均之昆季李杜韓蘇誰復在此筆銀河發光彩風吹秋
處見顧君集

懷入空去但覺流年不可待暑氣不到鈴閣中主人退食
多從容陳寔偶然就徐庶秦宓何當客頤雍黃雀樓晴川
閣花雨空中飄鴻爪天邊落想得山房聽雨讀書時舊夢
翛然何處託雷門布鼓慚竟持先輩許我論新詩

贈葉筠潭同年

筠潭論詩得正宗筠潭作詩有古意黃鐘大呂韻铿訇震
珮雲裾光絢麗建溪持節初歸來新詩脫手皆瓊瑰芙蓉
蘭雪俱遠去題襟懷抱爲君開

次韻答葉筠潭同年

鳳簫欲奏伶倫竹盤螭舞棟雲垂屋五明扇影高復高綈
綈階光滑文玉按宮調徵詣歸昌夢風蘭風交蕙光影纓
橐筆生眼纈烏跋西轡龍賓忙問夜何曾有封事蝶夢不
醉春破曉嚴家餓隸亦卓錚野鶩家雞紛覓字芳草未歇
行相隨石林壅白真色絲黃鐘調高木鐸應星街蟾影東
升時

葉筠潭廉訪以詩寄懷述及法源崇效之遊次韻答
之

雨花香界城南路君向粵雲憶燕樹獨秀峯前夢故交題
稿恨不春明住文讌春明歲有常海棠幾處嬌春陽雲衣

卸碧嵌林罅酣紅搖日光茫茫聯吟君是岑苦侶十年已
作黃鸝舉賑饑折獄平生心正自無慚對禪祖棗花寺前
雖未逢願力早證盤山松

盤山林上人青松紅杏卷今在棗花寺

卽今桂管

詩頻寄何異津門信屢通津門桂管違金闕懷人佳句動
心骨職在宣仁學素優路因訪友夢能越折柳班荆感舊
多宦局分襟可若何鹿苑尋春話梁月堯山望遠賦離波
交期重在親知外相勗咸應詁其大離緒能思舉燭書清
遼勝詠圖金帶暑夕星河入望深湘茝還恩采遠尋因緣
如作羅浮合是處堪題祇樹林

寄懷鮑覺生前輩

愛已乃愛人惟公見之確避面遠小嫌故交非淡漠風義
從來師友間何時捉麈更追攀昨宵夢醒蒹葭閣他日雲
停白綈山

東覺生前輩用其昧字韻

君不見黃山奇秀擅東南羣峰不敢誇同列雲靜時呈鋪
海姿松孤自具凌霜節平生惜我未攀躋歛產有公我能
說從宦公堅學道心任情公異才人轍起家再致瀛洲登
擢官屢 詔明光謁感激 疏知意肯慵較量古義

心如結忠悃由來勵此生辭章何但驚三絕劍寒自惜寸
心孤琴古遑求羣耳悅昨遊太華氣愈奇雪磴嵐梯眼飽

聞山靈抗手笑相迎謂昌黎生心亦折如此才華豈桃李
如此胸襟定冰雪惟我知公分最深辱公厚我情尤熟遷
階爲喜班生行話舊同悲伏生耋謂情抱先生蘿松雖悵昔緣

慳岑苦豈詡剪綵纈人言何足關重輕公望羣知有施設
杜老論詩晚更精魏公愛國老逾切君不見天都峯頭愛
晚晴羲馭從容輝尚映

雪後行江南途中懷介航河帥

餘雪糁地如碎玉間以青疇分郢局映日能教暮靄收淡
月清輝與相續故人念我山行遲定亦對雪吟清輝何當
三日後相見與語鍾離雪境奇

太乙舟詩集

卷三十一

三

贈石月亭

時渠前輩

永輪影入寒屏近門掩虛堂車按輶倚杵落子悄無聲銅
照熒熒爐一寸綈飈駕空攬轡下九衢穰穰盛車馬遙夜
冬心獨抱時法會冷宦如君寡平生舍者與爭席六鑿不
攘室生白溫伯雪子我所師敢詣寒山友拾得勝負從來
皆可喜十訣鴻書行料理他時臨局有龍牙笑君莫炫琅
玕紙

贈馮鍊漁營田

續熙

霸州營田專設貞始自
二里里內趨澤勤治田雨暘應時納稭桔得免徭役民安

眠但_能活潦一肆虐平陸彌望俄成川彼時臥穗隴畝間
官代納粟輸金錢三年報最得復職榮功宥過兼所權富
民侯特封丞相搜粟都尉名爛然古人重農豈左計趙過
名豈西京車五十八頃清河邊稼下地法今無傳新聞舊
洞等溝洫能修舊制馮公賢三世交誼晚相見快展佳誄
哦新篇民有蓄積穀價賤我讀漢志心涓涓

酬李松溪見贈詩意

李生西自陽城來風塵蹣跚雙芒鞶索觀晉書百冊卷旅
舍臥誦如高齋邇來名士懶及古羨君讀書功更苦我幸
坐擁萬卷書卷未能終色爲沮兩吳君皆知君賢蘭雪與玉松侍

御

一作薦文一贈錢賣文傭書向何處千里負米心可憐

玉松侍御言尤直勸讀班書計更得

松溪爲店
云王松謂與作
不如讀漢書

南朝放誕兒何如能對天人策相州五馬行倭遲玉松去
矣松溪悲市僧侮士良可嘯

時松溪爲店
主人所逐

僦居近我還贈

詩我與蘭雪謀君事歸裝草草春糧計他年射策登天闕
知已母忘鍊如意

鍊如意玉
松齋名

喜聞李潤堂勲伯治吉安饑民事賦詩贈別

吉安昨苦旱赤地全無收誰與人分報歲稔饑鴻無人與
喚咻有猾者胥兩黠虎催租入鄉鄉民苦縣令倚胥胥激
民民患閉籬官召侮堂皇一閔民何知縣令張皇乃請師

勲伯奉檄三日馳雨走卒一奚奴隨曰此安用遣師爲入
境萬竿穫糊持勲伯顧之笑曰嘻我來生汝汝無疑入城
示以平糴期械兩胥示官無私民迺搏頰自責爭涕洟市
廛復開村農歸縛十六人翌日出獄定笞杖戍其一若教
鐵騎用三千安見川原不流血部民間之喜不勝勲伯適
復來班荆萬家生佛名家子急爲紀事書溪簾

贈劉仲矩明府祖憲卽送其試令黔中

書生幽抱切康濟經術舊業難發揮不患苦窳卽更駕誰
約繩墨就勒韁君家公是世莫覩吾鄉子固今亦希夙昔
謬習古人法名流頗欵窮丘扉漢儒遺說盛著錄閭學絕

詣誰探微昨者少穆說仲矩慕漢中壘唐知幾上溯六經
求意旨下綜百家分是非惜君懷綏行作宰媿我挾冊未
絕韋處劑心傾長桑術問字神訝杜德機試呂醫學測經
學知爲尺璧非寸璣扶羸扶痼妙進退急攻緩治相因依
從來儒術出循吏佇聽輿誦來 皇畿臨別不敢贈才語
紀無滿望書常旂

新春過吳雲海 大翼寓齋聞其臥疾作詩訊之

洪公

桐生
太守

教作黃山記示我一幅黃山圖屬稿未就筆屢

擗蠟屐幽夢迴天都雲海先生一對儒雅鄉雲萬頃煩人寫

消受京華讀畫綠東去同君思之假

唯於王子卿同年處見所索題畫千幅

宦遊十載未能歸知君夢亦著林霏新春懷抱應何似小極知猶喜賦詩

乙未花朝後二日芝楣方伯魯山廉訪招同少穆中丞又山衢長於春祭東坡後觴余於肅軒是日觀顧君湘舟携來明人書畫冊翌日黃君穀原均畫蘇公祠雅集圖見贈余去蘇州阻風於無錫舟次作紀事長句轉韻一首寄諸君子政和

東坡手書歸來辭文襄撫吳求得之刻石與賓定慧寺星月夜貫虹光垂二百餘年雙塔側荒祠誰問空王宅李侯蘇齋老弟子墨寶逢君乃復得釀金特建蘇公祠祠中樹

石生幽姿滄浪亭古傲不得獅子林巧無等差方伯諸君皆好我書畫樽前榦竹左春祭開筵等餕餘招邀過客非駕坐祠中並祀况鐘與周忱吾鄉賢者名尙留中丞連年

錢與周忱

忱

吾鄉賢者名尙留中丞連年

辦灾賑憂民之憂同周侯前賢刻詩後舉祭詩酒何曾妨政事東坡當日治杭州好古勤民如一例畫冊殷勤屬穀原李侯惜未同金樽明朝邦上得相見更與重吟石墨軒

蘇齋
軒名

約遊螺墩不果以詩謝周載軒太史及蔣蘋船兼呈

陳靜涵季馴兩公子

昨朝擁書向日望忽報故人來叩門寒窓促膝一相對軟

語曖我胸膈溫繁駒且欲永今夕招客更與開芳樽野蔌充盤得霜味溪魚入饌無氷痕草草一飽聊可得紛紛共醉誰當嗔座中有約吾必踐勝地曾過心彌存憶昔打漿逐吟侶薄袂乍映秋風寒輕橈蕩碧暮烟散斜陽隨水林花皆時方結構盛塗壁近聞金碧逾崇繁正喜續游得佳賞豈意雅集孤成言商邱公子劇好士詞翰落筆傾豪賢推襟一見意相許深談詎信緣終惺作詩一笑記吾過重惜良晤當乖分明朝策馬洛中去客夢定自留螺墩

陸古山州牧去歲屬譚子受携清獻年譜松陽鈔存見贈頃來京以扇索畫爲轉乞得山水荷花而系

以詩

清獻遺言孰蒐輯心太平室重開雕文翕治蜀倚教化如
此視民斯不佻岷峨春色携襟帶歸及紅衣照香界安得
尋詩到草堂剪燭與君重讀畫

贈高麗四進士

昨日春風吹客到晴暉艷艷瓶花笑重譯來爲舜陛
朝長身人認箕封貌我朝盛德四海覃儒林掌故詞臣
諳緣趨瑣殿欣簪盍待續方言借筆談九衢車馬人如織
寓舍愔愔留此客千山不與隔題襟四水居然能講德出
門一步卽天涯投契寧論道路賒同我心情有小阮似汝

頭銜稱大加眼前陳迹栩栩古草草一杯柈傾肺腑來日應
過馬首山離情已遠桃花浦廠市中門小駐留題詩贈別
心寧酬遠夢倘能尋帝里題箋莫忘寄神州